

誠

齋

集

二

誠齋集

明倫彙編

PDG

誠齋集卷第四十二

廬陵楊

万里

廷秀

詩

退休集

題曾世夫願齋

吾友子曾子滋蘭澗溪幽葯房動波底韋編著
床頭夢吞六畫香身從三聖游上瞻岐山開下聆
雷聲收告干闕靈龜潛淵騎玉蚪食菲足自養不
願非所求一朝浮洛書綠字獻禹疇分半啖雲翻
相視一笑休

曉起

霜挾清寒凍殺人袖中十指怯頭巾金篦落地拾
不得却是穿窻曉日痕

月午

揭竿借日自烘衣背立晴暄片子時雪後春生人
未覺弄絲蟾子獨先知

賀胡守寺正禱雪響應

廬陵新事一奇絕老農七年不識雪史君領取六
花來一夜九天開玉闕萬家鑄作銀樓臺千峰琢
出瓊崔嵬頻歲魁兒崇禪極來秋雲子如芋魁老

夫與雪亦久別膝六參儂永普說為渠拈此一瓣
香今身胡姓前身黃只愁潁川歸廟堂不愁寰宇
無豐穰東閭官梅應解語綠毛么鳳仍能舞合詞
再拜壽史君滿為天花中玉醕

十二月二十七日立春夜不寐

冬夜嫌長只望春春宵又永更何言曉稍強合終
無睡脚底相摩也不溫竟夕松風聽到曉忽明燈
火看來昏擁紉却起蒙頭坐顧影真成一病猿

送黃幾先司戶

吾友黃編修用不究其挾有子傳父書潛心泣麟

業胸中石渠牘筆底秋鷹捷蟾兔贈一枝衣鉢續
四葉不應千里來乃欲一揖別恰當新酒熟幸與
故人接細酌且短檠軟語更長鋏去去謁九扉天
路看高躡

寄題南昌尉廳思賢亭

南昌尉廳之右有孺子墓墓前故有思賢亭
中更兵餘亭毀墓湮今尉劍津張敬之因葺
公解披榛得墓按圖謀墓旁有九里井求之
得井又有畦耕桓伊墓下得甕三款識云晉
平南將軍墓去聘君墓七里驗其遐通而信

因表其墓復其亭云敬為賦之

有客栖霞外無名沈黨中南州一高士東漢獨清
風舊國已禾女荒阡猶石翁更煩吹笛魄端為洗
榛叢

甲子初春即事

老子燒香罷蜂兒作隊來徘徊繞襟袖將謂是花
開

臘去寒猶在春來花未開東風忽然到放盡一園
梅

徑李渾穠白山桃半淡紅杏花紅又白非淡亦非

穠

只有觀書樂其如病眼何但今吾意適不必卷頭多

驟暖如初箕通身退袂衣只言寒已去却等五更

歸

人怨花遲發天教暖早催不知要催落却道是催開

二月十四日曉起看海棠

過雨天猶濕新晴日尚寒懸知曉粧好破霧急來看

初日光殊薄晴梢露正濃真珠粧未穩更着柳邊風

晚得看花訣丁寧趁絕農乘他醉眠起別是一精神

四面花光合一身香霧紅忽從霞綺上跳下錦城中

花密無重數看來眼轉迷化為花世界忘却日東西

外種百來樹中安一小亭放眸紅未了紅了是天青

老子侵星起蜂兒先我忙淵才無鼻孔信口道無香

除却牡丹了海棠當亞元豔超紅白外香在有無間

寄題表機仲侍郎殿撰建溪北山四景

妙淨菴

韓子不肯佛饒操苦出家何如妙淨老紫橐碧蓮花

水壺閣

竹國風世界梅兄雪友朋地清無可比且道玉壺

永

玉虹橋

銀河月外來玉虹天上落騎虹弄銀河人間無箇
樂

抗雲亭

脚底一朵雲乘之繞空碧前身王子喬今代李太
白

題張季長少卿飾菴名取告詞云學足以
自飾

吾友張飾菴學到賁上白真賁初非文至飾亦無

色君看瑄王姿豈借青黃飾寶氣不自中白虹貫
空碧飾菴隱岷嶺英名震京國曾論感鳳歎春秋
辯麟獲孝廟聘丘園有來校墳籍光皇訪忠賢再
起貳卿棘未應兩朝舊不侍九重側訓詞揭昭回
聖意深記憶盍歸贊人文小却猶講席未要從子
真帶月耕巖石

十山歌呈太守胡平一

螺岡市上惡少為群剽掠行旅民甚病之太
守寺正胡公命賊曹禽其魁杖而屏之遠方
道路清夷遂無豺虎塗歌郢咏輒撫其詞隱

括為山歌十解庶未詩者下轉而上聞云

豺虎深交鴈鴛行到官管取汝無妨只將剽劫為
喧鬧喝放歸來儘陸梁

群盜常山蛇勢如一偷捕獲十偷挾十偷行賂一
偷免百姓如何柰得渠

塗客前春荷一豬城門賣得兩千餘明朝回到石
斧嶺連喫數刀今在無

說似行人且細聽螺岡門外莫宵征前頭石斧韓
婆嶺第一單身不要行

後趙前丁兩使君群偷望見搃星奔後人却笑渠

儂猛仁及偷兒不及民

丁卿季囚賊士牢趙器之推折賊脚

王黃二盜久馳聲手捧腰刀白晝行逢著村人持一物喝令放下敢誰爭

近有村人帶血論使君親與驗傷痕驚行剛道非行劫只是行人兩作喧

賢尹如何受吏謾青天白日萬人看忽然一展霹靂手盡杖偷魁竄遠壑

北門今早頻然清懷壁操金儘夜行却有一般可憐底群偷枉却費家兄

行人滿路喜歌呼小盜何須辱廟謨早箇使君歸

鼎軸為禽頡利繫單于

五月十六夜病中無聊起來步月

拖官放浪十三年底事今年病嬾殘舊健肯饒梅
摘索新羸翻羨竹平安

無求不必位三公一飽何須祿萬鍾只有人生安
樂好享他明月與清風

人睡方酣雞未知起來叫轉月華西南風吹落北
斗柄細數月中丹桂枝

夏月雖炎夜却清四更還更勝三更露從玉兔鬚
根落風在銀河浪底生

道是月明星便稀阿瞞此句未為奇今宵斗柄也
不見一鏡孤光天四垂

題李季章中書舍人石林堂

紫微仙人今太白不愛好官愛奇石頃從道山歸
雪山一葉漁船一橫笛船過宣池月滿空乘雲飛
上九華峯十指一掬九芙蓉和月擎取歸船中歸
到鴈湖秋水碧萬斛酒船觴九客巖願諸峰作不
速不待折簡登几席儂與石兄殊不踈問訊別來
安穩無

米元章見奇石具衣冠拜之呼為石兄云

與長孺共讀杜詩

病身兀兀腦岑岑偶到兒曹文字林一卷杜詩揉
欲爛兩人齋讀味初深斲肝枉却期千載漏眼誰
曾更再尋筆底姦雄死猶毒莫將饒舌泄渠心

食蓮子

白玉蜂兒綠玉房蜂房未綻已聞香蜂兒解醒詩
人醉一嚼清水一燕霜

城中蓮子買將歸未問嘗新早與逢偶憶湧金門
外曉畫船帶露摘來時

戢戢蜂兒出露房未生翅股及鋒芒丁寧莫遣他
人剥要染儂家十指香

族人同諸友問疾

老無星事可營為政是長閑好病時兩脚倦行羸
得坐一生欠睡頻上聲還伊夢聞有客欣然起見道
勤翁乃爾癡抵掌縱談天亦笑此身安否更曾知
摩詰沉痾未易排文殊一問失妖災老夫何幸君
賢集倒屣出迎雙眼開語造極時全愈了病知客
去即重來呼兒細揀新書策休不佳時看一回

病中復脚痛終日倦坐遣悶

滿眼生花雪滿顛者稀又過四雙年誰知病脚妨
行步只見端居道坐禪隨翫几旁猶嬾拾換書牕